

1 IMEQ

Kikkut imermik pinnguarnikuuppat? Sumi imermik pinnguarnikuusi? Qanoq imeq pinnguarinikuusiuk?

Aqqaluup **MAJALU** assatik erro-riartorpaat, imerlu pinngu-ri-lerlugu. Anaana suaarpoq:

”Suisi?” Akinngillat.

MAJA eqqarsapallariarlu-ni Aqqaluk isussuuppaa:

”Anaana imermik pin-nga-quatigiumasigu.”

Aqqalu angerpoq.

”Anaana imermik pin-nga-arta.”

”Qanoq imeq pinnguaralugu?”

Anaana imermik pinnguarneq naluvoq. **MAJAP** takuler-paa puiaasaq nerriviu-

sap qaaniittoq, ”Una imermik immertigu.” Anaanap sikaavik puukunik assigiinngitsunik ulikkaartoq ammarpaa. ”Arlaat imartunerunersoq eqqoriaqat-taartigu,” anaana oqarpoq.

Imermik puukunut immiil-lutik arlaat imartunerunersoq eqqoriaqattaalerpaat.

Inersimasoq:

Meeqqat aperikkit sammisassat arlaat sammerusunnaat.

(1 Meeqqat qulequttamik taasitikkit. 2 Apeqqutit aalla-vigalugit oqalutsikkitt. 3 Misi-leraagitsi).

Imeq akoorlugu: Imeq usser-nikuuiuk? Imeq allatut mama-qartilerniaraanni sumik akus-sava?

Suliap tullerriaarsinnaanera meeqqat ilikkagassaasa ilagaat meeqqamullu unamminartuu-voq, soorlu:

- 1 Imeq sunik akussanerlugu aalajangeqqaassaaq.
- 2 Erngup akussaasalu piareer-sarnerat.
- 3 Misileraaneq.
- 4 Misileraareernerup kingor-na torersaaneq.


Imeq qaqorsaammik akullugu: Imeq qaqorsaammik akugaan-ni susoqassava?

Sumut atorsinnaava?

Imeq qaqorsaait arlaannik akugaanni pullartanut ator-ne-qassinnaava?


(Meeqqat akissutaat akueriin-nakkit, misileraalerussi paasiu-maarpaat suna pullartaliornu iluarnerunersoq).

Misileraagitsi.





INUUSARNEQ



Kikkut inuusaqarpat?
Kikkut inuusartarpat?
Qanoq inuusartarpisi?
Kikkut inuusaqatigisarpigit?
Sumi inuusartarpit?

Kimmernap kammalaatai Niina Dorthealu pulaarput. Kimmer-nap inuusani inuissiorami tunissutisiani tiguaa. Inuusaa qiasarpoq, illartarpoq, quisarpoq oqalulaartarlunilu. Inuusaq quivoq. Kimmernaq Niinalu tupapput, Dorthea illalerpoq oqarlunilu: "Inuusarta." Inuusat allat tiguaat. Atisalersulerpaat.

"Aneerutsigit," Kimmernaq oqarpoq. Sila alianaaqimmat aneeruussilerput. Kimmer-nap illortaava 9-nik ukiulik ilannguppoq: "Kaffisortitsi-suusaarta." "Qaa, kaagilorluta," Niina akivoq. Kaagilorlutik aallartipput. Atsa pulaarluni takkukkami ilannguppoq: "Aamma kaffisortitsini-araangamik susarpat?" Atsa aperivoq. "Qaaqqusisarput," Kimmernaq akivoq. Atsa oqarpoq: "Qaaqqusinnginnitsinni nerrivilioqqaarta." Kimmernaq Atsalu nerriviliulerput, Niina Dorthealu kaagiliortut. Naam-massigamik kaffisortitsipput.


Oqaatsit ilikkagassat apeq-
qutillu (Inuusaq takutiguk).
Inuusap avatai taagorsigit:
talii, assai, passii (paffii), ikusii,
niui, seeqqui, singernii, isigai.

Qanoq ittunik inuusaqarpisi?
(Angisooq, mikisoq, Barbie,
qiasartoq allaluunniit.)

Pinnguarnaq:
Kikkut inuusarusuppat?
Inuusarluta sussaagut?
(Meeqqat isumasiukkit qanoq
inuusarusunnersut, kaffisortit-
sillutik, igallutik, festerlutik).
Isumassarsiaat piviusunngor-
tiguk.



KIMMERNĀQ NIINĀLU tupapput, DORTHEA illalerpoq
oqarlunilu: "Inuusarta." Inuusat allat tiguaat.
Atisalersulerpaat. "Aneerutsigit," KIMMERNĀQ oqarpoq.



3 LEGOT

Kina legortarpa?
Sumi legortarpit?
Legoraangavit suut sanasarpigit?
Anaana ataataluunniit aamma
legoqatigisarpigit?
Ilaagaangata sulioartarpisi?

BRIANIP legot assut nuannarai.
Pinngualeraangamik legorusut-
tarpoq. Angerlasimaffimminni
legoteqarpallanngilaq, kisianni
meeqquvimmil legonik amerla-
suunik peqarput.

Ullut ilaanni meeqqerisoq
BULATTA aperivoq: "Ullumi
sorusuppisi?" **BRIAN** oqapallap-
poq: "Legot, legot." **BRIANIP** legot
sivisoorujussuarmik pinngu-
arinnava. "BRIAN qanoq issava

qamani ineeqqami legorutta,
meeqqat pingasut-sisamat ila-
gisinnaavagut, tallimannorne-
rup tungaanut ineeqqami legor-
tarsinnaavusi piiartarnagit, aat-
saat tallimanngorpat piarlugit,"
BULATTA oqarpoq.

BRIAN nuannaarnermit pissis-
saartuinnaavoq, ingerlaannarlu
ineeqqamukarniaraluarpoq.
"Utaqqilaarit, kikkut legoqati-
gissaneritit paaseqqaalaartigu."

BRIANIP kammai **SULUT**
aamma **ANBERSI** ilaajumapput.
Ikioqatigiillutik legot ineeqqa-
mut eqqussorpaat, tamaasalu
eqqukkamikkit legonik pinngu-
arlutik aallartipput.

Pinnguarneq:
Kikkut legorusuppat?
Legorluta suliusaagut?
Taava qanoq aallartissaagut?
Tulliani qanoq iliusaagut?

Oqaatsit makku legotigaluni
sungiusarneqarsinnaapput:
katiterlugu, avissaartillugu,
qaavanut ikkullugu, ataanut
ikkullugu.

Meeqqat pinguaqatigalugit
oqalutsinniarsarikkut, sunik
sananersut sumullu atorniar-
neraat oqaasertalersuitillugit.

